

戴北山先生著

重訂
廣溫熱論

上海千頃堂書局印行

重訂戴北山廣溫熱論

北山此書以溫熱與傷寒辨條分縷晰逐病疏明傷寒之治不混於溫熱溫熱之治不混於傷寒誠於秦越人四曰熱病五曰溫病之異於二曰傷寒者分疆畫界不得飛越一步矣然其書明是溫熱而其書名則曰廣溫疫推其命名之意固本於吳又可瘟疫論而欲有以廣之故篇中或稱疫癘或稱時疫或單稱疫一若自忘其為論溫熱者是傷寒之與溫熱北山能辨之而溫熱之與瘟疫北山亦混之矣余始不解其故久之而始恍然悟曰吳氏書名瘟疫而不自知其所論但為瘟疫戴氏專論溫熱而不自知其書之不可以名瘟疫更合兩家觀之在吳氏自論疫中之溫而仍不免糾纏不疫之溫在戴氏則專論不疫之溫恐人於陽明溫熱之病誤用太陽風寒之法特於書成時未加檢點仍沿俗說以瘟疫之名名溫熱之病只與刪去論中屍氣腐氣等語及後幅大青龍一方此外則絕無羈入瘟疫之處亦無夾雜傷寒之處余愛其論之精而惜其名之誤乃於凡所稱時行疫癘者悉改之曰溫邪其開首云世之治傷寒者每誤以溫熱治

之治溫熱者又誤以傷寒治之四語則余所綴也有此一提而所以作書之意乃先於卷端揭清即為之改題曰溫熱論則此書實足為溫熱病正法眼藏矣元和陸懋修

序

六淫之氣中人為病風寒尤甚蓋風者善行數變其勢猛急寒者收引其氣堅凝故其病人也不假少貸而為患至速各家醫書均首列中風傷寒二門以示後學習是業者咸致力於風寒以求諸病擴而充之觸類引伸固無所不該若執而守之亦不免刻舟求劍而所遺實夥雖長沙有論後學註釋繁多究使指歸不定以致溼溫時疫漏而不講迨吳又可瘟疫論出稍使人知疫與傷寒同途異歸不可拘傷寒法而治疫然其辨悉猶不若廣瘟疫論之提綱挈領曉暢明白能使不習醫者洞然領略也予於庚寅偶得此書故友王村舟言是書乃金陵前輩麟郊戴公存存書屋之稿本近為儀徵鄭氏所刻發坊未久板已散失坊間竟無覓處予每惜之庚子遷居北城得識國子學正戴敬咸先生乃知麟郊公乃先生之祖因叩及是書藏本與予所得者相校讐一字無訛雖鄭氏前刻未將存存書屋之來由道出情似掠美然非其剗剗流傳則予亦不得覩見而無由與敬翁先生探其本原也因聳憑梓行以繼前徽壬寅冬正在付梓尚未藏工

而敬翁先生忽嬰疾逝今其嗣君踵成其事囑予紀其本末予亦不敢以
固陋辭謹序於後以敘廖郊公之作美於前而得其賢嗣繼美於後庶此
不刊之書得以永垂天壤救濟生靈實可上美長沙之功而庇醫林後學
於不淺矣

乾隆四十八年歲次昭陽單閼氏皋月會稽沈懋發撰

序

張仲景傷寒論不祇為傷寒一證而用也經絡腑臟表裏洞然善讀者誠擴而充之運用不窮故為醫門聖書獨瘟疫一證治法又別其始末疑似之交非更有善本剖析精詳終不免毫釐千里之誤此洞庭吳氏之書所以紹仲景而獨闢其奧也况瘟疫病多真傷寒病少其於濟世尤急舊稱長沙於傷寒論外兼有治疫之書而世遠失傳洵可惜也余弱冠習舉子業兼從田淑姜先生讀軒岐靈素諸書於吳氏瘟疫論頗曾究心嗣稽山家叔授以存存書屋廣瘟疫論鈔本知為鄉先輩麟郊戴公所著命篇分類亦從吳氏書折衷而出內增辨證八兼證五夾證十條分縷析尤為壽世良法數年來每於風雨雞鳴講明切究及臨證時覺有得心應手之妙益信是書之為功大也辛丑冬晤贈公文孫未堂先生幸得出其藏本刊板行世庶可公諸海內用垂不朽並囑余誌其端末爰敬跋數言以附卷後

乾隆四十七年歲次壬寅冬十月既望江甯後學程家珏癸百氏

自序

瘟疫一症歷代名哲具有成方如仲景有大青龍湯陽旦湯越婢湯黃芩湯麻黃升麻湯諸條列瘟疫之見證為汗法下法和法雙解法輕重深淺纖毫備具特散見於諸經條中而未嘗直指其名為瘟疫非不欲明言也其書為傷寒立論而互為區別之書非專論瘟疫之書且上古文辭簡易詳於辨證而不詳於立名欲人從證上細辨則不必於名上區別而自無混治之失嗣是而後河間有宣明五氣論則論瘟疫較詳立法更備加桂苓甘露飲黃連解毒湯三已效方涼膈散人參石膏湯雙解散諸方皆是而亦未正其名易老東垣大羌活湯立方更備而亦無專書亦無特名至吳又可先生貫串古今融以心得著時行瘟疫一論真可謂獨闢鴻蒙揭日月於中天矣顧其書具在而時賢有未見而不用其法或雖見而不能信者無怪矣有口誦其書嘖嘖稱道而對證書方仍多不用其法口則曰此時症也而手則仍用傷寒之方拘傷寒之法者比比皆然愚揣其情必非知而不用也知其名而未得辨證之法耳愚目擊心傷不揣固陋而取吳

子之原本或註釋或增訂或刪改意在辨瘟疫之體異於傷寒而尤慎辨
於見症之始開卷先列辨氣辨色辨舌辨神辨脈五條使閱者一見瞭然
則吳子之書人人可用而瘟疫之橫夭者少生全者多誠斯世斯民之幸
也上元戴天章廖郊甫識於存存書屋
乾隆四十八年歲在癸卯夏五月望日

孫男嗣琦謹書

此書明辨溫熱與傷寒病反治異朗若列眉實足為度世金鍼然溫熱之與瘟疫則仍混同無別而其誤亦甚大也因為之改正其文命兒子潤庠手錄之而於書中疫字未及一一更改意殊未愜因再命施生起鵬用粉筆塗之以歸畫一至各家原序及所自為序則姑仍其舊名以存其本來面目蓋必先將吳又可瘟疫論改作溫疫論再將戴天章之廣瘟疫論改為溫熱論以清兩君作書之旨而稱名始各當耳夫傷寒有寒症有熱症溫熱則純是熱症絕無寒症至瘟疫則有溫疫亦有寒疫正與溫熱病純熱無寒相反而治法即大不相同嗟乎以著書之人尚不自知其誤而況涉獵者之印目朦心其能不以訛傳訛而貽害無窮哉

光緒四年戊寅七月陸懋修識

上元縣志

戴天章字麀郊邑庠生少師林青雷習舉子業好學強記所讀經史能通部逆背如瓶瀉水壯為文千祿不足為所求有用之學自天官地理算數射弋以及書畫琴碁之類無不探微極要尤精醫理博覽深思活人無算謝之金揮不受四方淹雅名流至必下榻請教友朋中或來就食更贈餘資歸而舉火課諸子督以勤苦力學晚號北山學者稱北山先生長子瀚字巨川雍正元年癸卯一甲第二人恭逢

覃恩

敕贈文林郎翰林院編修晉贈中憲大夫乾隆辛卯孫翼子官御史再遇覃恩

貤贈朝議大夫如其官

有必不可用者則加口式以別之

門下晚學生馮汝玖校字

跋

先大父北山先生以通儒邃醫學所論著傷寒雜病諸書及咳論註瘧論註廣瘟疫論凡十數種皆先世父雪村先生行楷細字錄存於家近書坊中有刻本瘟疫明辨四卷祖啟購閱之即先大父存存書屋廣溫疫論也雖易其名未曾改竄其文不知何誤刻為歙縣鄭某之書在先大父固不爭此而子孫見之不容不正也因出存存書屋原本較而刻之以糾偽傳廣先德因歎傷寒一書註者百家至程郊倩獨闢鴻蒙復有慈溪柯韵伯論翼出而傷寒之書觀止矣瘟疫一證古無成書至吳又可實為獨闢鴻蒙更有先大父此書出而瘟疫之書歎觀止矣事固有更閱數千年而後得所折衷者此類是也代生名賢民何幸歟

乾隆四十七年歲在壬寅七月望後二日孫男祖啟謹跋

廣溫熱論目錄

卷一

辨氣

辨色

辨舌

辨神

辨脈

辨溫熱與風寒異氣

辨溫熱與風寒異受

辨傳經

兼寒

兼風

兼暑

兼瘧

兼痢

夾痰水

夾食

夾鬱

夾蓄血

夾脾虛

夾腎虛

夾諸亡血

夾哮喘

夾心胃痛

夾疝氣

卷二

表證

發熱

惡寒

寒熱往來

頭痛

頭脹

頭重

頭眩

目珠脹

項強

肩背痛痠

手臂痛

腰痛痠

膝痛痠

脛腿痛痠

足痛

附拘攣

周身骨節痠痛

身重

自汗

盜汗

戰汗

狂汗

頭腫

面腫

耳旁腫

胸前紅腫

周身紅腫

發黃

發疹

發斑

卷三

裏證

煩躁

嘔

欬

渴

口苦

口甘

齒燥

鼻孔乾

耳聾

鼻如烟煤

鼻孔煽張

咽乾咽痛

舌燥

舌強舌痿

舌卷短

胸滿痛

脇滿痛

腹滿痛

少腹滿痛

自利

便血

便膿血

大便閉

小便不利

小便黃赤黑

小便多

遺尿

囊縮

譫語發狂

善忘

昏沈

循衣摸床撮空

多睡

身冷

呃逆

吐衄

卷四

汗法

下法

清法

和法

補法

四損

四不足

三復

辨似

遺證

發腫

發瘡

皮膚甲錯

婦人

小兒

諸方

以本論引用先後為次

發頤

發癢

發蒸

妊娠